

Միջին մասնագիտական կրթության 0913.02.5 «Քույրական գործ» մասնագիտությամբ 0913.02.01.5 «Բուժքույր/բուժեղբայր» որակավորմամբ մասնագետի մասնագիտական պարտականություններն են.

- 1) Ստացիոնարի և պոլիկլինիկայի պայմաններում ըստ բժշկի նշանակումների՝ տարբեր սեռատարիքային խմբերի պացիենտների հետ ախտորոշիչ, բուժական, վերակենդանացման, վերականգնողական, կանխարգելիչ, բուժառողջարարական, սանիտարահիգիենիկ, սանիտարալուսավորչական միջոցառումների կատարում:
- 2) Հիվանդների խնամքի ժամանակ քույրական գործընթացի փուլերի իրականացում և փաստաթղթերով հիմնավորում:
- 3) Ստացիոնար և տնային պայմաններում քույրական խնամքի կազմակերպում և իրականացում:
- 4) Ծանր և սահմանային վիճակում գտնվող հիվանդների և տուժածների վիճակի գնահատում և առաջնային ախտանիշների ու համախտանիշների տարբերակում, անհետաձգելի իրավիճակներում նախաբժշկական օգնության ցուցաբերում:
- 5) Կոնկրետ հիվանդի պարագայում դեղամիջոցների արդյունավետության գնահատում, դեղորայքային թունավորման ժամանակ նախաբժշկական օգնության ցուցաբերում:
- 6) Հիվանդին լաբորատոր, ֆունկցիոնալ և գործիքային հետազոտություններին նախապատրաստում:
- 7) Ֆիզիոթերապևտիկ գործողությունների (պրոցեդուրա) հիմնական տեսակների կատարում, հոգեթերապիայի տարրերի օգտագործում, բժշկի նշանակած սննդակարգի (դիետա) պահպանման նկատմամբ հսկողություն, բուժական գործողությունների արդյունավետության գնահատում:
- 8) Առողջության պահպանման և ամրապնդման համար առանձին անհատների, ընտանիքների և բնակչության խմբերի կրթմանն ու ուսուցմանն ուղղված կանխարգելման համալիր ծրագրերի պլանավորում և գնահատում:
- 9) Դեղամիջոցների ստացման, պահպանման և օգտագործման դեղագործական կարգի պահպանման նկատմամբ հսկողություն:
- 10) Բժշկական փաստաթղթերի վարում:
- 11) Ինֆեկցիոն հսկողության պահանջների կատարում, հիվանդների և բուժանձնակազմի ինֆեկցիոն անվտանգության պահպանում:
- 12) Բնակչության, հիվանդների, տուժածների, աղետների բժշկության ծառայության բուժանձնակազմի պաշտպանությանը վերաբերող միջոցառումների անցկացում:
- 13) Գործիքների նախապատրաստում բժշկի կողմից բարդ միջամտությունների կատարման ժամանակ:
- 14) Հիվանդների նախապատրաստում ախտորոշիչ հետազոտությունների և շտապ վիրահատությունների:

- 15) Նյութերի հավաքում, տեղափոխում և պահպանում մանրէաբանական հետազոտության համար:
- 16) Քույրական միջամտությունների կատարում
- 17) Հիվանդությունների կանխարգելում:
- 18) Բժշկի ախտորոշիչ և բուժական նշանակումների կատարում:
- 19) Հիվանդների համալիր խնամք: